

Diminúense dúas unidades de educación primaria, con efectos económico-administrativos do 18 de setembro de 2007.

Composición resultante do concerto educativo:

Nivel: educación primaria.

1 unidade.

Duración (anos): dous.

## CONSELLERÍA DE INNOVACIÓN E INDUSTRIA

*Resolución do 21 de novembro de 2007, da Dirección Xeral de Industria, Enerxía e Minas, pola que se determinan os factores de conversión de metros cúbicos a quilogramos nas facturas de contadores de gas propano canalizado na Comunidade Autónoma de Galicia.*

A normativa vixente que establece o prezo do gas propano canalizado fíxao en euros/quilogramo (€/kg).

Non obstante, a medición do gas consumido realízase por contador en metros cúbicos (m<sup>3</sup>), polo que se fai necesaria a utilización dun factor de conversión de m<sup>3</sup> a kg, sendo esta en función da densidade do gas, das presións atmosférica e relativa do gas e da temperatura.

Para o cálculo dos factores de conversión considérase a presión atmosférica como factor suficientemente relevante, establecendo para iso tres rangos de altitude sobre o nivel do mar, en metros.

En base ao anteriormente sinalado e de acordo coas competencias atribuídas no Decreto 231/2006, do 23 de novembro, polo que se establece a estrutura orgánica da Consellería de Innovación e Industria, esta dirección xeral

### RESOLVE:

Primeiro.-Aprobar os factores de conversión de metros cúbicos a quilogramos nas lecturas de contadores de consumo doméstico de gas propano canalizado para a presión de 150 gramos/centímetro cadrado (g/cm<sup>2</sup>) que quedan establecidos nas seguintes contías:

Altitude	Factor conversión m <sup>3</sup> a kg presión, gas= 150 g/cm <sup>2</sup>
0 a 200 m	2,28
201 a 500 m	2,22
501 a 1.000 m	2,14

Segundo.-Publicar esta resolución para xeral coñecemento no *Diario Oficial de Galicia*.

Santiago de Compostela, 21 de novembro de 2007.

Anxo Ramón Calvo Silvana  
Director xeral de Industria, Enerxía e Minas

## CONSELLERÍA DE VIVENDA E SOLO

*Orde do 21 de decembro de 2007 pola que se convocan as subvencións que se poderán outorgar no exercicio 2008 ao abeiro do Decreto 48/2006, do 23 de febreiro, que regula o programa de vivenda en aluguer.*

O Decreto 48/2006, do 23 de febreiro, polo que se regula o programa de vivenda en aluguer, constitúe o marco normativo polo que se regulan as subvencións para o arrendamento e rehabilitación de vivendas desocupadas na nosa comunidade autónoma.

O seu artigo 3.2º dispón que estas subvencións se atenderán a través de convocatorias anuais polas que se cuantificarán as dispoñibilidades orzamentarias que se poidan consignar para cada exercicio.

Tanto o procedemento de concesión das subvencións que se outorgarán ao abeiro desta convocatoria como a normativa que o regula se suxeitan ao establecido pola Lei 9/2007, do 13 de xuño, de subvencións de Galicia.

A súa disposición derradeira primeira faculta a conselleira de Vivenda e Solo para ditar, no marco das súas competencias, as disposicións necesarias para o desenvolvemento e aplicación do referido decreto.

En uso da referida autorización,

### DISPOÑO:

Artigo 1º.-*Dispoñibilidade económica.*

Para os efectos do disposto no artigo 3.2º do Decreto 48/2006, do 23 de febreiro, determínase:

1. A aplicación do estado de gastos dos orzamentos xerais da Comunidade Autónoma de Galicia para o ano 2008 e 2009 onde figuran os créditos con cargo aos cales serán atendidas as subvencións ao arrendamento do Decreto 48/2006, do 23 de febreiro, é a 17.01.451B.480.1.

2. A aplicación do estado de gastos dos orzamentos xerais da Comunidade Autónoma de Galicia para o ano 2008 onde figuran os créditos con cargo aos cales serán atendidas as subvencións para a rehabilitación de vivendas e posterior arrendamento dentro do programa de vivenda en aluguer do Decreto 48/2006, do 23 de febreiro, é a 17.01.451A.780.1

3. O importe máximo das subvencións ao arrendamento que se poderán outorgar dentro do exercicio orzamentario de 2008 será de 4.504.772,38 € e, dentro do exercicio orzamentario de 2009 será de 3.906.968,46 €.

4. O importe máximo das subvencións para a rehabilitación de vivendas e posterior arrendamento que se poderán outorgar dentro do exercicio orzamentario de 2008 será de 1.800.000 €.

5. De conformidade co establecido na Orde do 11 de febreiro de 1998, modificada pola Orde do 27 de novembro de 2000 e pola Orde do 25 de outubro de 2001, pola que se regula a tramitación anticipada de expedientes de gasto, o outorgamento destas subvencións queda supeditado á existencia de crédito axeitado e suficiente para financiar as obrigas derivadas da súa concesión.

6. O importe máximo destas subvencións poderá incrementarse en función das solicitudes e en función das disponibilidades orzamentarias con cargo ás mesmas aplicacións. De producirse incremento nas dotacións orzamentarias destinadas á concesión destas subvencións publicarase no *Diario Oficial de Galicia* o importe polo cal resultarán finalmente dotadas as aplicacións que as financian.

#### Artigo 2º.-Solicitudes de subvención ao arrendamento.

1. Asinado o contrato de arrendamento no marco do programa regulado no Decreto 48/2006, do 23 de febreiro, o inquilino poderá solicitar a subvención ao aluguer regulada nel, trámite que se poderá realizar mediante o modelo de solicitude de subvención recollido como anexo desta orde.

2. As solicitudes de subvención para o arrendamento reguladas no Decreto 48/2006, do 23 de febreiro, poderán presentarse do 1 de xaneiro ata o 10 de decembro de 2008 no rexistro da Consellería de Vivenda e Solo ou no das súas delegacións provinciais.

3. No presente exercicio terán lugar procedementos de concesión de subvención cada mes natural, de tal xeito que as solicitudes de subvención presentadas ata o día 10 de cada mes serán resoltas antes do último día do mesmo mes.

4. As solicitudes presentadas a partir do día 10 de cada mes serán resoltas no procedemento de concesión do mes próximo.

5. A concesión da subvención producirá efectos desde o día de presentación da solicitude.

#### Artigo 3º.-Procedementos de concesión.

De conformidade co establecido no artigo 19.2º da Lei 9/2007, do 13 de xuño, de subvencións de Galicia, e tendo en conta o procedemento de xestión e concesión destas axudas, excepciónase esta convocatoria do requisito de fixar unha orde de prelación entre as solicitudes presentadas que reúnan os requisitos establecidos fixéndose para o exercicio 2008 12 procedementos de concesión de subvencións para o arrendamento. Por cada procedemento de concesión ditarase antes do último día do mes unha resolución

que conterà o importe das subvencións que se concedan en cada mes que non poderán superar os seguintes importes:

Meses	Importe exercicio 2008	Meses	Importe exercicio 2009
Xaneiro-decembro	672.955,20 €	Xaneiro	5.326,21 €
Febreiro-decembro	625.937,67 €	Xaneiro-febreiro	60.915,01 €
Marzo-decembro	550.072,60 €	Xaneiro-marzo	113.094,31 €
Abril-decembro	562.880,79 €	Xaneiro-abril	190.229,18 €
Maio-decembro	454.309,76 €	Xaneiro-maio	229.584,53 €
Xuño-decembro	394.428,77 €	Xaneiro-xuño	257.202,04 €
Xullo-decembro	345.495,18 €	Xaneiro-xullo	346.607,22 €
Agosto-decembro	296.813,00 €	Xaneiro-agosto	413.118,99 €
Setembro-decembro	232.837,88 €	Xaneiro-setembro	505.488,95 €
Outubro-decembro	214.635,05 €	Xaneiro-outubro	657.977,46 €
Novembro-decembro	105.954,06 €	Xaneiro-novembro	554.714,38 €
Decembro	48.452,42 €	Xaneiro-decembro	572.710,18 €
Totais	4.504.772,38 €	Totais	3.906.968,46 €

#### Artigo 4º.-Solicitudes de subvención para a rehabilitación.

De conformidade co establecido no artigo 19.2º da Lei 9/2007, do 13 de xuño, de subvencións de Galicia, e tendo en conta o procedemento de xestión e concesión destas axudas, excepciónase esta convocatoria do requisito de fixar unha orde de prelación entre as solicitudes presentadas que reúnan os requisitos establecidos.

As solicitudes de subvención para a rehabilitación reguladas no Decreto 48/2006, do 23 de febreiro, poderán presentarse desde o 1 de xaneiro ata o 15 de decembro de 2008 no rexistro da Consellería de Vivenda e Solo ou no das súas delegacións provinciais.

#### Artigo 5º.-Documentación.

A solicitude de novas subvencións ao arrendamento, unha vez esgotados os doce meses da que tiñan concedida, exixirá a presentación de toda a documentación requirida nos artigos 5 e 15 da orde de desenvolvemento do Decreto 48/2006. Esta documentación presentarase dentro dos dez primeiros días dos trinta anteriores ao do vencemento da anterior subvención.

#### Disposición adicional

Única.-Incorporadas ao programa un número de vivendas con obras de rehabilitación que poidan comprometer o crédito que sustenta a concesión das subvencións para a rehabilitación, denegarase a incorporación ao programa de vivendas que precisen estas obras ata a seguinte convocatoria anual.

#### Disposición derradeira

Única.-Esta orde entrará en vigor o día da súa publicación no *Diario Oficial de Galicia*.

Santiago de Compostela, 21 de decembro de 2007.

Teresa Táboas Veleiro  
Conselleira de Vivenda e Solo



**XUNTA DE GALICIA**  
 CONSELLERÍA DE VIVENDA E SOLO

PROCEDEMENTO <b>SUBVENCIÓN PARA A REHABILITACIÓN DE VIVENDAS: PROGRAMA DE VIVENDA EN ALUGUER</b>	CÓDIGO DO PROCEDEMENTO <b>VI431E</b>	DOCUMENTO <b>SOLICITUDE</b>
---	---	--------------------------------

**DATOS PERSOAIS DO/DA SOLICITANTE**

APELIDOS	NOME	NIF / CIF
ENDEREZO (RÚA, NÚMERO E ANDAR)	CÓDIGO POSTAL	LOCALIDADE
PROVINCIA	TELÉFONO	CORREO ELECTRÓNICO

**EXPÓN:**

Que ten cedida e alugada unha vivenda dentro do programa de vivenda en aluguer, situada na localidade

rúa

Que o número de expediente de contrato é:

Polo tanto, e reunidos os requisitos establecidos no Decreto 48/2006, do 23 de febreiro,

**SOLICITA:**

A subvención para a rehabilitación do Decreto 48/2006, do 23 de febreiro.

**DOCUMENTOS QUE DEBEN PRESENTAR XUNTO COA SOLICITUDE**

A) COPIA DE NOTIFICACIÓN DA FORMALIZACIÓN DO CONTRATO DE ARRENDAMENTO AO ABEIRO DO PROGRAMA DE VIVENDA EN ALUGUER.

**AUTORIZO:** De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a consellería publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

**LEXISLACIÓN APLICABLE**

- Decreto 48/2006, do 23 de febreiro, polo que se regula o programa de vivenda en aluguer.  
 - Orde do 22 de xuño de 2006 pola que se regula a xestión das vivendas, procedemento de adjudicación e concesión das subvencións no Programa de vivenda en aluguer.  
 - Orde do 21 de decembro de 2007 pola que se convocan as subvencións que se poderán outorgar no exercicio 2008 ao abeiro do Decreto 48/2006, do 23 de febreiro, que regula o programa de vivenda en aluguer.

SINATURA DO/A SOLICITANTE OU PERSOA QUE O/A REPRESENTA

Lugar e data

, de de 200

(Para cubrir pola Administración)

RECIBIDO
REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA



**XUNTA DE GALICIA**  
CONSELLERÍA DE VIVENDA E SOLO

PROCEDEMENTO <b>SUBVENCIÓN PARA O ALUGUER DE VIVENDAS: PROGRAMA DE VIVENDA EN ALUGUER</b>	CÓDIGO DO PROCEDEMENTO <b>VI431F</b>	DOCUMENTO <b>SOLICITUDE</b>
--	---	--------------------------------

**DATOS PERSOAIS DO/A SOLICITANTE**

APELIDOS	NOME	NIF / CIF
ENDEREZO (RÚA, NÚMERO E ANDAR)	CÓDIGO POSTAL	LOCALIDADE
PROVINCIA	TELÉFONO	CORREO ELECTRÓNICO

**EXPÓN:**

Que ten alugada unha vivenda dentro do programa de vivenda en aluguer,

situada na localidade

rúa

Que o número de contrato é:

Que a vivenda destínase a residencia habitual e permanente do inquilino.

- Que a unidade convivencial ten ingresos de entre 0,7 ata 2,5 veces o indicador público de renda de efectos múltiples (IPREM).  
 Que pertence a algún dos grupos de beneficiarios cualificados regulados no Decreto 48/2006, do 23 de febreiro.

Polo tanto, e reunidos os requisitos establecidos no Decreto 48/2006, do 23 de febreiro,

**SOLICITA:**

A subvención para o alugar do Decreto 48/2006, do 23 de febreiro.

**DOCUMENTOS QUE DEBEN PRESENTAR XUNTO COA SOLICITUDE**

- A) COPIA DO CONTRATO DE ARRENDAMENTO

**DECLARACIÓN XURADA**

Don/Dona de estado civil  
 veciño/a de con domicilio en  
 provisto de documento nacional de identidade nº

**Arrendatario/a da seguinte vivenda:**

Localidade rúa  
 expediente (no seu caso)

**DECLARA BAIXO A SÚA RESPONSABILIDADE:**

Que na vivenda alugada van residir persoas.

Que se compromete a destinar a vivenda alugada a residencia habitual e permanente.

Que non ten concedida ningunha outra subvención para o aluguer.

Que non existe vínculo ningún de consanguinidade ata o terceiro grao nin de afinidade ata o segundo grao co arrendador da vivenda.

Que non posúe ningunha facultade efectiva de uso doutra vivenda.

Que todos os datos achegados xunto coa solicitude son certos.

En , de de 200

(Sinatura)

**AUTORIZO:** De conformidade co artigo 13.4º da Lei 4/2006, do 30 de xuño, de transparencia e de boas prácticas na Administración pública galega, a consellería publicará na súa páxina web oficial a relación dos beneficiarios e o importe das axudas concedidas, polo que a presentación da solicitude leva implícita a autorización para o tratamento necesario dos datos dos beneficiarios e da súa publicación na citada páxina web.

**LEXISLACIÓN APLICABLE**

*Decreto 48/2006, do 23 de febreiro, polo que se regula o programa de vivenda en aluguer.  
 Orde do 22 de xuño de 2006 pola que se regula a xestión das vivendas, procedemento de adjudicación e concesión das subvencións no Programa de vivenda en aluguer.  
 Orde do 21 de decembro de 2007 pola que se convocan as subvencións que se poderán outorgar no exercicio 2008 ao abeiro do Decreto 48/2006, do 23 de febreiro, que regula o programa de vivenda en aluguer.*

SINATURA DO/A SOLICITANTE OU PERSOA QUE O/A REPRESENTA

(Para cubrir pola Administración)

RECBIBIDO
REVISADO E CONFORME

NÚMERO DE EXPEDIENTE

DATA DE ENTRADA

DATA DE EFECTOS

DATA DE SAÍDA